

*''O mai god Lowri, dwi mor depresd heddiw''
''Ha ha sêm Sara, dwi lityrali am gal nyrf i bî mewn munud''*

*clywch,
ein datganiadau ffasiynol,
wedi'u normaleiddio,
eu poblogeiddio*

*clywch,
ond ni chlywn,
ni welwn,
and so,
collwn,*

*ar ei phen ei hun
ei meddwl mor orlawn
nes ei bod hi'n wag,
nes iddi hi ei hun,
deimlo'n wag*

*y synnwyr llethol o wacter,
mor swllyd
nes iddi deimlo tawelwch,
nes iddi hi ei hun,
gael ei thawelu*

*iselder achlysurol
syniadau gwyrngam,*

*yr ofn,
yr ofn,
ofn o ymddangos yn hunanol,*

*'lly tawel y bydd hi,
rhyddid emosiynol darfodedig,
rhyw ''Being and Nothingness''*

*clywch,
siyfflo'r gynulleidfa,
sgyrsia'n marw allan,
ma'r goleuada'n mynd i lawr,
ma'r llenni ar fin agor*

